



Inatsisartut

Aningaasaqarnermut Akileraartarnermullu

Ataatsimiititaliaq

Finans- og Skatteudvalget

Ulloq/Dato:

23. marts 2012

J.nr.:

01.31.06/12-00573

Aningaasaqarnermut Naalackersuisoq

Aningaasaqarnermut Akileraartarnermullu Ataatsimiititaliap pingasunngornermi martsip 21-ani 2012-imi aalajangiinera pillugu Naalackersuisunut ilisimatitsissut – Suliaq nr. 01.31.06/12-00573

Pisariillisaanissamik-pilersaarutip (ERP pilersaarut) Immikkoortuata 1-ip aallartisarneqarnissaa. (Suliaq nr. 01.31.06/12-00576).

Naalackersuisut **inassuteqaatigaat**,

Konto pingaarnermut aningaasaliissutit 82.20.02 Aningaasatigut ataqatigiissumik aaqqissuusineq nutaaq suliaq nr. 060.90.022 Namminersorluni Oqartussani Aningaasatigut ataqatigiissumik aaqqissuusineq nutaaq kr. 1.248.000-nik qaffaavigineqassasoq, aammalu

Konto pingaarnermut aningaasaliissutit 20.11.70 Suliniutinut nutaanut sillimmatit taamatulli kr. 1.248.000-nik appartinneqassasut.

Konto pingaarnermut aningaasaliinissamut tunngavilersuutigineqartut 82.20.02 Aningaasatigut ataqatigiissumik aaqqissuusineq nutaaq suliaq nr. 060.90.022 taamaalilluni missingersuusiasatut siunnersuutigineqartoq ilanngussaq naapertorlugu allannguuteqartinneqassasut.

Aningaasaqarnermut Ataatsimiititaliap oqaaseqaatigisai

Qarasaasiakkut aningaasanut aqutsinermi atortup XAL-ip pisoqalisup atorneqarunnaalersup, aqutseriaatsimik allamik taarserneqarnissaanut suliamut pineqartumut aningaasaliissutinik qaffaanissaq allannguinnissarlu Naalackersuisut matumani qinnuteqaatigaat.

Aningaasanik aqutsinermut atortup nutaap kommunini soorluttaaq aamma Namminersorlutik Oqartussani tamatumuuna pisariaqartitsineq taamaalilluni naammassineqassaaq. Aallaqqaammut suut tamatumuuna pisariaqartinneqarnersut pillugit qulaajaasoqarlunilu misissuisoqassaaq pisariaqartitat suunerisa allaaserineqarnissaat siunertaralugu. Suliaq tamanna suliaq immikkoortuatut siullertut taaneqarluni ingerlanneqassaaq.

Aningaasaqarnermut Ataatsimiititaliap erseqqissaatigerusuppaa suliamik aningaasatigut aqut-silluarnerusoqassasoq, tassami IT-mut tunngatillugu suliaqarnermi misilittagarineqartut takutimassuk missingersuutinik annertuumik sippuisoqartarsimasoq. Tamatuma saniatigut ilanngullugu oqaatigerusunnarpoq, Danskit nalunaarsauisarnermut inatsisaata annertujaarsuup Kalaallit Nunaannut atuutsinneqalersinnaanera siumut takorlooreerneqartariaqarmat aallaqqaataaniillu suliamut ilanngunneqarluni, tassami qularnanngitsumik inatsit taanna kingusinnerusukkut ERP-mik aqutseriaatsimut ilanngunneqassagaluaruni akisoorujussuanngorsinnaammat.

Tassunga atatillugu immikkut eqqaasitsissutigineqassaaq, Aningaasaqarnermut Ataatsimiititaliaq Ukioq 2012-imut Aningaasanut Inatsisissatut Siunnersuutip aappasaaneerneqarnissaanut

isumaliutissiissusiamini tamanna pillugu ima allaaserisaqarnikummat:

”Danskit nalunaarsuisarnermut inatsisaata atuuttup Kalaallit Nunaannut atortussanngortin-neqarnissaa naapertuunnersoq Aningaasaqarnermut Ataatsimiititaliaasimasut isumalutigis-arsimavaat. Tamanna maanna Naalackersuisunit misissorneqarpoq, tassa suliassaqarfik pil-lugu inatsiseqarnek atuuttoq pisoqalisimasutut isigineqarmat. Danskilli nalunaarsuisarner-mik inatsisaat annertoorujussuuvoq imartoqalunilu, taamaattumillu Kalaallit Nunaanni nalu-naarsuisarnermik inatsiseqarnerup atorunnaarsivinnissaa aaqqiissutaasinnaanersoq isumali-utigineqarsinnaavoq. Tamannali pillugu erseqqinnerusumik isumaliutiginninnissaq Inatsisi-nut Ataatsimiititaliami pisariaqarpoq.”

- (1) Qulaani issuaavigineqartoq tunngavigalugu Naalackersuisut eqqarsaasersuuteqarner-minni killiffiusoq pillugu nalunaaruteqaqqullugit ataatsimiititaliap **qinnuigissavai**.
- (2) Aammattaaq qulaani pineqartut tunngavigalugit suliamut tunngatillugu Naalackersu-isut **ataavartumik ilisimatitsissuteqartarnissaat** ataatsimiititaliap qinnutigissavaa. Tamatumuuna paasinninnertik pillugu Naalackersuisut uppenarsaaqqullugit **qinnuigi-neqarput**.

Aningaasaqarnermut Ataatsimiititaliap aalajangiinera

Qulaani pineqartunut paasinnilluni Naalackersuisut inassuteqaataat isummerfigereerlugu Aningaasaqarnermut Ataatsimiititaliaq akuersivoq. Naalackersuisut qulaani apeqqutigineqartunut akissuteqaataat kalaallisut qallunaatullu allakkat assilineri qarasaasiakkut uunga nassuteqquneqarput nch@ina.gl Aningaasaqarnermut Ataatsimiititaliap ataatsimiinnissamut pilersaarutaa isiginiarlugu, ugguuna takuneqarsinnaasoq www.ina.gl/fu.

Ataatsimiititaliaq sinnerlugu

Andreas Uldum
Siulittaasoq